

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՎՐԱՍՏԱՆԻ ՎԱՐՉԱՊԵՏ ԶՈՒՐԱՔ ՆՈԳԱԽԴԵԼԻՒՆ

Մարտի 12-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց Վրաստանի վարչապետ Զուրաբ Նոգաիդելիին և նրա գլխավորած պարվիրակությանը՝ ՀՀ Ֆինանսների և էկոնոմիկայի նախարար Վարդան Խաչատրյանի և ՀՀ ԱԳ փոխնախարար Գեղամ Ղարիբջանյանի ուղեկցությամբ:

Ողջունելով Վրաստանի հանրապետության վարչապետի այցը Մայր Աթոռ Ս. Էջմիածին՝ Ամենայն հայոց հայրապետը շնորհավորեց Զուրաբ Նոգաիդելիին՝ վարչապետի պաշտոնում նշանակվելու առիթով: Նորին Սրբությունը գոհունակություն հայտնեց փարբեր մակարդակներում երկու պետությունների հարաբերությունների արդյունավետ զարգացման համար: Հայոց հայրապետը նշեց, որ փարածաշրջանում մեր ժողովուրդների առջև ծառացած դժվարություններն ու խնդիրները միմյայն համարելով ջանքերով կարող են իրենց լուծումը գտնել: Նորին Սրբությունը մաղթեց, որ միշտ անխախտ մնա երկու ժողովուրդների եղբայրությունը, խաղաղություն հաստատվի փարածաշրջանում, և ժողովուրդները կարողանան ապրել իրենց երջանիկ ու բարօր կյանքով:

Հանդիպման ընթացքում խոսվեց նաև հայ Առաքելական Եկեղեցու Վիրահայոց թեմի կարգավիճակի, հայկական եկեղեցիները թեմին վերադարձնելու խնդիրների շուրջ:

Վրաստանի վարչապետը, շնորհակալություն հայտնելով ընդունելության համար, անդրադարձավ օրըստօրն զարգացող հայ-վրացական հարաբերություններին, Վրաստանի ներքին քաղաքական ու փոփոխական իրավիճակին: Պրն Նոգաիդելին Ամենայն հայոց Կաթողիկոսին փոխանցեց նաև համայն Վրաց Պապրիարք-Կաթողիկոս Իլիա Բ-ի եղբայրական ջերմ ողջույնները:

Վեհափառ հայրապետն իր հերթին իր ողջույնները հղեց Նորին Սրբություն Իլիա Բ Պապրիարք-Կաթողիկոսին: Հայոց հայրապետը վստահություն հայտնեց, որ Նորին Սրբությունը հայրական հոգածություն կցուցաբերի նաև հայ ժողովրդի գավակաց նկատմամբ և, ունկնդիր լինելով նրանց խնդիրներին ու դժվարություններին, կգորակցի առկա հարցերի լուծմանը:

Նորին Սրբությունը շնորհավորեց նաև հայաստանում Վրաստանի նորանշանակ դեսպան Ռևազ Գաչեչիլաձեին՝ հույս հայտնելով, որ դեսպանն իր պաշտոնավարության ընթացքում ևս կնպաստի երկու պետությունների փոխադարձ հարաբերությունների զորացմանն ու զարգացմանը:

Հանդիպմանը ներկա էին նաև Մայր Աթոռի դիվանապետ Տ. Արշակ եպս. Խաչատրյանը, Արմավիրի թեմի առաջնորդ Տ. Սիմոն եպս. Աղամյանը և երկու երկրների դեսպանները: